



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt II. Sessio decima, vbi Decreta ad medium Septembrem prorogata.

urn:nbn:de:hbz:466:1-11665

rarij regni factam sibi accessionem, periclitaturum fuisse id temporis vniuersum sacræ dominationis imperium, cui temporaria potentia aduentitia est, nec, nisi sacræ fundamento nitatur, diutiùs duratura. Vnde eò minus verisimile est id quod nonnulli scriptores, & ipse Andreas ab Auriā de Paulo Tertio suspiciati sunt; nimirum ab illo, eiusque filio Petro Aloysio, fuisse Genueni Flisci coniurationi fomeatum admotum; cùm experimento constiterit, à Paulo quindecim annorum spatio, quibus imperauit, sèpius quidem inita in Turcas & hæreticos fœdera, atque ingentes armorum argentiique suppetias fuisse collatas; numquam tamen in Catholicos ensem eductum; præterquam quòd cùm cæso Petro Aloysio captus esset Apollonius, qui à secretis illi fuerat, & quædam cum eo arcanorum characterum notæ interceptæ, vt ex iis eliceretur ecquid ille Genuenensis coniurationis fuisse particeps, ecquid cum Rege Galliæ transfigisset, quòd Mediolanum inuidenti opem ferret, nihil ibi repertum est, quod Cæsaris ministri proferre possent, pro eo ac libenter protulissent, vt deformem speciem lenirent, quam ea cædes & vrbis occupatio præferebant. Verùm sinistra de rebus alienis persuasio herba quædam est, quæ supra reliquarum conditionem radices & agit & retinet in animis, absque probationum alimento: hæc verò tam noxij fruticis prærogatiua in corrupta natura fundatur, quæ mortales extimulat vt malum perpetrent, adeoque patrationem verisimilem reddit, extimulat vt malum sibi inuicem optent, adeoque optationis speciem repræsentat.

C A P V T . II.

Sessio decima, vbi Decreta ad medium Septembrem prorogata.

Insterim Patres Bononiæ nihil otio indulgère, tum in solemnibus cærimoniiis exercendis, vt omnibus palam fieret, per eas speciosas functiones Concilium adhuc viuere; tum in priuatæ solertiae curis, quibus auctoritas foueretur, statimq[ue] pro rerum opportunitate prodiret in lucem.

2. Quod ad cærimonias attinebat: ^a decretum est, vt quemadmodum Tridenti fuerant iusta funebria solemniter persoluta Pannóniæ Reginæ, Hispanique Principis coniugi, ita Bononiæ par honor defuncto Galliæ Regi haberetur, iniectâ tantisper morâ, dum à Rege illius filio peractas patri funeris exequias innotesceret. Simul etiam iucundiorem alteram solemnitatem destinarunt, quâ Deo grates agerentur, ederenturque publicæ lætitiae signa pro reportata

N 3 à Ca-

* In Coetu
18. Maij, ex
Diario, &
volumine
Actorum, fe-
gnato A.

1547.
b Prima fun-
gio fuit
20. Maij,
secunda 22.
et Diario.
c Litteræ
Ceruini ad
Maffeiūm,
7. Maij
1547.

d Ex Diario,
per ea tem-
pora.

e Litteræ
Ceruini ad
Maffeiūm,
7. Maij
1547.

f Ex Diario,
30. Maij.
g 30. Aprilis,
& 1. Augu-
sti, ex Diario.

h Ex Diario,

6. Maij
1547.

i Cui clā ex-
stant in vo-
lumine in
Aice Roma-
na signato A.
& etiam vi-
deri possunt
in libro à Se-
ripiando reli-
cto, cui inu-
lus, *Farrago*.

à Carolo de hereticis victoria; ^b in quo præter pietatis cultum benevolentia sensa in Cæsarem significabant, & intrepidum præ se ferebant animum inter incrementa potentia illius Principis, qui se aduersarium ipsis profitebatur; quod consilium Ceruinus pariter Paulo suggesserat. ^c

Quod ad peculiares Concilij curas spectabat: selecti ex Episcopis, fuerant Materanus, Vasonensis, Veronensis, Bitunitinus, & Aliphanus, qui peculiarem operam impenderent, tum ad eos qui abe- rant eò pertrahendos, tum ad eos qui aderant ibi retinendos. Nec ipsis deerat Pontifex, ^d subministrato pecunia subsidio, quo & illo- rum aduentus, & horum mansio iuuaretur; vt qui probè intelligebat, in ciuilibus cunctis dissencionibus eam partem apud plerosque potiorem haberi, quæ numerosior est. Concordi studio Decreta Sessioni proponenda parabantur; cum existimarent, siue ibi Fidei morumque sanctiones ferendæ essent, siue non ferendæ, oportere Canones in promptu habere, rectè perpensos atque expolitos, ita vt nihil ad eos promulgandos deesset, nili ipsa promulgatio. Etenim non modò id conducebat, vt maiori cum dignitate, minorique cum tædio tempus exigeretur, fieretque saltē compendium laboris ali- bi impendendi; sed etiam ne Bononiensi Synodo posset otium ex- probrari, vtq̄e potius in publicas obrectationes offenderet, qui Christianæ Republicæ eius laboris fructum impediuerisset. È vero solertia res agebatur, vt dum pars altera absoluta, altera dumtaxat adumbrata esset: hoc enim pacto erat integrum Synodo, eam par- tem quam perfecerat, vbi vellet, depromere; hinc verò ea perfe- ctionis absolutio quæ alteri deerat, dilationem cohonestare pote- rat, vbi emolumenti publici ratio eam suaderet: adeoque vulgo prudentiam cum timiditate confundenti haud pateficeret, moram illam alienæ repugnantia concedi. Perfecta igitur erant de sacro- sancta Eucharistia Decreta, quippe de arguento Tridentinâ tru- tinâ iam expenso, ^e ac proinde eiusmodi, quod seiunctorum tunc à corpore Patrum confessione firmaretur. Præter hanc de Sacra- mento Pœnitentia, ^f haud parum fuerat Bononiæ laboratum.

Et sanè prorsus à vero discripet quod Suavis tradit, infre- quentiam ibi Theologorum in causa fuisse, ne res expeditius discute- rentur. Etenim comperio, vni confessi ^g sexaginta ex quauis natio- ne, alteri septuaginta Theologos interfuisse. Præcipue verò accesi- sit ex Germania Petrus Canisius Societatis Iesu, vir rebus, seu scri- ptis ac gestis æquè ^h clarus. Nec certè Bononiensis commoratio ste- rilis fuit, ⁱ perinde ac illis visa est, qui fructum ipsius nonnisi post multos

HISTORIAE CONCILII TRIDENTINI Lib. 10. Cap. 2. 10;

multos annos, & in alio solo conspexissent. Illuc enim solertissimo studio perpensa continenter sunt cunctæ definitiones, pluresque ex morum legibus, Tridenti postea stabilitæ, ac de vtrisque sententiæ, quæ in cœtibus dictæ sunt, summatim exquisitissimè sunt collectæ, & in Acta Concilij legitima relatæ: & reuerà optimum succum continent eruditionis, earumque rationum, quæ singulis in argumentis afferri possint. Inter cetera illud memoriam dignum est, disputationem, ⁴ quæ postea Pio sedente adeò in Concilio claruit, de ⁴ Littere Massarelli Bononiam ad Ceruinum Roma, 15 Octobris 1547.

4. Dum res ita se haberet, iussi à Pontifice Legati superfedere, præstolaturi responsa Cæsaris ad ea quæ Mendoza proposuerat, Sessione usque ad medium circiter Augustum dilatâ. Sed quoniam Pontifex tunc vel maximè studebat libertatem auctoritatemque Concilij integrum seruare, opus erat, vt idem consilium Patribus probaretur. His itaque conuocatis ¹ hæc Montanus differuit; Sessionis diem iam instare, adeoque deliberandum, an placeret promulgari ^{1 Ex Actis in Diario, 1. Iunij.} Decreta: utrumque rationes suppetere: impelli quidem ad ea promulganda, quod grauissimum Eucharistiae dogma iam in promptu esset, quodque anteacta Sessio sine fructu cœlisset. Proinde si hæc pariter fructu careret, haud parum Synodi dignitati detractum iri; quæ dum ostenderat se sibi diffidere, aliis animos adderet ad ipsam oppugnandam. At oppositas rationes longe validiores videri: posse quidem edi Canones de Eucharistia, at de reparatione disciplinæ nihil. Agendum in ea esse de incommodis, quæ auctoritas Episcoporum patitur, à profanis Principibus, & Regularium Ordinibus illata, id autem ad id usque temporis effici nequissime, dum nemo ab illis delegatus aderat, & ex his duo summi Moderatores ob necessarias suorum Ordinum functiones decesserant. Et tamen fuisse Tridenti constitutum, vt Fidei doctrina, morumque emendatio, duæ veluti rotæ, sic æquè procederent, vt hunc veluti currum aptè deferrent. Id verò tunc ut cum maximè iniuiolatè seruandum, cum credi poterat, Concilium in urbe Pontificia coactum, ab afflato Pontificis magis regi. Ad hæc habendam esse singularem quamdam Cæsaris rationem, qui adhuc translationem rite peractam negabat: & non modò reliquos suæ ditionis Antifistites Bononiam non mittebat, sed Tridentinos ipsorum collegas eò se conferre veterabat. Habendam pariter noui Galliæ Regis rationem, cuius ibi nec Episcopi

ncc.

1547. nec Oratores aderant: sperandum operâ vtriusque Legati, quos Pontifex miserat, non Regem solum, sed etiam Cæsarem breui permotum iri, vt Synodum suis Episcopis augeret, suisque Oratoribus decoraret.

Hæc rationum pondera cunctorum animos inclinarunt, prater Benedictum Nobilium Episcopum Aciensem, qui Decretum super Eucharistiâ omnino promulgandum putabat; à qua sententia nec in ipsa Sessionis actione recessit. Futuræ Sessionis dies remotor est destinatus quām qui per mandata Pontificis proponebatur, hoc est decimoquinto Septembbris, quō certius foret, absque ope nouæ prorogationis, quæ futura fuissest parum decora, ante eam diem perfectum iri tum Bononiæ Decretorum formam, tum ea quæ Romæ & in Germania tractabantur. Adiecta tamen facultas est coarctandi protrahendique temporis vel extra Sessionem. Atque hæc omnia publicè postea stabilita sunt in Sessione solemnī 2. Iunij, in qua post sacrificium peractum ab Olao Magno Archiepiscopo Vpsalensi, decretum est, ut interim æquè doctrinæ ac morum emendationis opus continuaretur: in hac etiam Sessione duorum Patrum, quibus morbi causâ accedere non licuerat, admissa suffragia.

Plurimum existimationis accessit Synodo Bononiensi ex adiutu Ambrosij Pelargi Dominicanī, quem suprà laudauimus: hic prius Rodulfi recentis Septemviri Colonienſis, postea Treuirensis Procurator ^m interfuit. Et quamvis ad indignationem Cæsaris declinandam, procurationis tabulae pridie quām translatio haberetur, signatæ legebantur; satis tamen in aperto erat, Pelargum his neutiquam vſurum fuisse, absque recentibus suorum Principum mandatis. Nec ita multò pōst superuenit Episcopi Labacensis in Austria-caditione Procurator, ⁿ Patrum sententiam quæsiturus de septem articulis, de quibus in Carniola Prouincia fuerat decertatum. Sed plus lætitiae attulit is, qui Dandino in Gallia Nuntio à secretis erat. ^o Hic Romam ab ipso Nuntio, & Capiteferro Legato missus, dum Bononiā transiret, sollicitudinem dispulit, ad eam vſque diem ab incompara mente noui Regis incussum: nuntiauit enim, ab illo tredecim insignes Episcopos ad Bononiense Concilium destinatos; ^p eundemque clarè professum, à se illud acceptum ac defensum iri, promissâ in matrimonium Horatio Farneſio Caſtri Ducī, & Octauij fratri, Dianā ipsius Regis nothâ: quod coniugium à Pontifice anteā quæſitum, vt suspicionem amoueret à Gallo, propter Octauij cum Carolo coniunctionem, tunc libenter confectum est, vt inde Cæſar

^m 17. &
21. Iunij,
ex Diario.

ⁿ Iulij 21.
ex Diario.

^o Peruuenit
Bononiā
23. Iunij, ex
Diario.

^p 24. Iunij,
ex Diario.

Cæsar intelligeret, non defutura Pontifici præsidia, si ab illo aut de- 1547.
sereretur, aut premeretur.

7 Præterea in eius urbis, nobilitate doctrinâque florentis, prima- ^{q. Vide Dia-}
rio templo ex Episcopis ac Religiosis Ordinibus viri sapientissimi
frequentes conciones habebant de rebus Theologicis, ac præcipue
de infusione iustitiae, de qua plures menses cum plausu concionatus
est coram eo inclito conuentu Dominicus Stella, e S. Dominici fa-
milia Episcopus Salpensis, & mox Lauellensis, ac dénum Iustino-
politanus. Nec segnius digerebantur capita reliquorum Sacramen-
torum, & in primis Pœnitentiae; de qua disputatum est acriter, an
Christus, vti Sacramentum ipsum instituerat, ita pariter illius exer-
cendi tempus statuisse: An etiam, vt satis erat interdum Confessio-
nis votum, ita pariter satis esset votum contritionis ad iustitiam ac-
cipiendam, votumque satisfactionis ad pœnæ remissionem. Simili-
ter de Sacramento Eucharistiae quæsitum accuratè fuerat, an tan-
tumdem gratiæ ei conferretur, qui vnam tantum, quantum ei, qui
vtramque simul Sacramenti speciem susciperet: atque ob senten-
tiarum varietatem decretum fuit, nihil decernendum, quæstione
opinantium libertati relictâ. Sed ea de re vt celebrior, ita feruidior
disputatio reuixit aliâ tempestate, quod suo loco exponetur.

Pari sedulitate disciplinæ leges concinnabantur; tum quæ spe- ^{r. Ex Diario,}
ctabant ad ea Sacraenta administranda, quorum declarabantur ^{11. Junij}
dogmata, tum quæ ad alia obstacula remouenda, ^{1547.} quibus Episco-
porum mansio suas apud Ecclesiæ præpediebatur; præcipue vero ad ^{/Ex Diario,}
reuocandas superiores concessiones retainendi simul plura Sacerdo-
tia curis animarum obnoxia. Hinc Suavis calumnia reuincitur, af-
firmantis, emendationis negotium, vtpote odiosum Pontifici, in-
termissum à Concilio, vbi in urbe Ecclesiastica fuit collocatum.
Evidem satis intelligo, huic homini, studenti non vera scribere, sed
iniqua persuadere, satis fuisse, vt id rei verisimilis speciem præ se fer-
ret. Næ iste nimis abiecte de iis senserit necesse est, qui eius scripta
lecturi essent; nam homines ingenio haud hebetes facile animad-
uertent, numquam fuisse Pontifici vel magis necessarium, vt emen-
dationis Decreta à Synodo fancirentur, quam cùm id videbatur
omnino situm in suo arbitratu; vel tutius, adeoque opportunius,
quam cùm ipse cultrum manu tenebat, quo quantum, vbi, & quo
pacto vellet, refecaret.

Pars II.

O CAP VT